



DEMOKRAATIT

30. September 2015

UKA 2015/17

Qinngornerit ioninngortitsisartut pillugit aamma qinngornernut illersuuteqarnissaq pillugu Inatsisartut Inatsisaannut nr. x, ulloq xx. xx 2015-imeersumut siunnersuut.
(Peqqissutsimut Nunani Avannarlerni Suleqatigiinnermullu Naalakkersuisoq)

Siullermik, Siumiit aammalu Naalakkersuisooqatigiit partiiviniit Demokraatinit Atassummiillu oqaatigissavarput nunatsinni qinngornerit ioninngortartut pillugit aamma qinngornernut illersuuteqarnissaq pillugu inatsisissatut siunnersuummik Naalakkersuisut saqqummiussimmata iluarisimaaratsigu. Tassuuna innuttaasut, uumasut avatangiisillu Inatsisartut inatsisaatigut, qinngornernut ulorianartunut, illersorneqalissammata.

Taamaasilluni inuiaqatigiit iluanni qinngornernut ioninngortartunut illersugaanerup toqqissisimantartumik inatsisikkut qulakkeerneqassammat, aammalu atortussiatigut annikinnerusumik qinngorneqartunut ineriartortitsisinnaanerup matoqqatinneqarsimanerata inatsisimik sinaakkutaqalernera-tigut ammaanepqassammat.

Qinngornerit ioninngortartut tamatsinnut annertunerusumik annikinnerusumilluunniit kalluaasuupput. Qinngornerimmi ioninngortitsisartut sulinermi sullissinermi aammalu avatangiisini allani pineqarsinnaasarput. Tassanilu pinngoqqaat (atom) ioninngortinneqarsinnaasarpoq taamaasilluni (Celle) inuup sannaa allanngortinneqarsinnaalluni kræftinngortinneqarsinnaasarmat.

Inatsisip akuerineqarnerata kingunerissavaa nappaatinut misissuinermi atortorissaaruteqarnikkut siuarsaasinnaangornissaq, sulisunut qinngornermut ulorianarsinnaasunut passussinermi illersugaanerulernissaq tamannalu pissaaq soorlu Naalakkersuisut saqqummiussisutaani allassimasoq: Inner-suussutigineqarpoq Det internationale Atomenergi-agenturip (IAEA) isumannaallisaanermut tunngatillugu maleruaqqusaliaasa eqqortinneqarnissaat.

Maluginiarparput Naalakkersuisut inatsisissaq aqqutigalugu ataatsimoortumik qinngornernut illersorneqarnissaq innuttaasunut tamarmiusunut tunngatillugu malittarisassiunniaraat aamma peqqinnissaqarfiup røntgenimi napparsimavinni skannerinilu aamma kigutileriffinni atuisarnerannut tunngatillugu

Taamaattumik qinngornernut ulorianartunut illersugaanerulernissaq pisariaqarmat siunnersuut Naalakkersuisooqatigiinnit akuersaarparput.

Inatsisissatut siunnersuutip misissoqqissaarneqarnissaa peqqullugu siunnersuutip aappassaaneerneqannginnerani Ilaqutariinnermut peqqissutsimullu ataatsimiitsitaliamut ingerlateqqinneqarnissaa inassutigaarput.

Ataatsimiitsitaliallu pisarnermisut peqqissaartumik suliarinninnissaanik kajumissaaratsigu Naalakkersuisooqatigiit partiiviniit oqaatigissavarput.

Ineqi Kielsen, Siumut